

WÜLZUGU

03 anhtü akostu küyenh 2026 txipantu mew

PU LOFKE CHE KA TXOKIÑKE CHE TXAWULU EGÜN MALLOLHAFKEN MAPU MEW
TAÑI IGKAYAL NEYKÜLECHI FÜNH KA KETXAN.

Küpalechi 10 anhtü akostu küyenh mew wechuay kiñe ramtukan tañi kom pu che ñi llowzuguam feychi püroyektu kintukawalu ñi müleal pu ülhmenke che genhgetualu egün fünh.

Pu lofke che, txokiñke che ka kimfalke che mülelu tufachi mapu mew txawüygün küpalechi fierne 31 anhtü kuliw küyenh mew Mallolhafken waria mew tañi günezuamal chem wezake zugu küpayalu tufachi püroyektu mew aneltukealu pu tukukafe ka azkünuwal ñi küzaw.

Tufachi txawün eli ti küpalechi küzaw mapu mew katxügele txafkintun ka tukukan küzaw.

Pu lofke che, txokiñke lelfün che, pu zomoke tukukafe, kormenia kamañ, zewmaiyaelfe ka txokiñke che müleyelu mapu mew txawüygün tañi günezuamal tufachi fütxa aneltun zugu.

Ti zoy weza zugu mülelu tufachi zugu mew ta katxügekeafuy kuyfike fünh ñi txafkintugeal, txürpuafuy tufachi zugu welukan zugu mew, feymew kom pu kuyfike fünh müleafuy ñi wirintukugeal kiñe chillka mew (LVOD) ka müleafuy ñi malhütugeal laforatoriw mew, rume faliay tufachi zugu, ka pu tukukafe zitulayaygün ñi kullituafiel tufa (INE, 2021)

Tufachi zugu wezalkakeafi ketxawe ka tukukawe mülelu mapu mew, üwa, zawe, zegüll, kachilla, kake kay femgelu ka, ka kom feychi küzaw nüwkülelu tufachi zugu mew zewmaiyaælün reke, mapun iyaæl, kormenia küzaw, tukukan küzaw ka tukukafe gillakawe.

fünh küf inzustxia ñi zewmael nu tati, welu kiñe kuyfi mogelechi tukulpangey, azkünukelu kimün ka wimtun zugu ka nüwküley tayıñ iyaæl, tayıñ itxofill mogen ka pu che ñi kuyfi tukulpan zugu.

Tayıñ mapuche az mogen mew, tayıñ fünh re iyaælgelay welu itxofill mogen mew konküley, pu che mew ka mapu mew.

Feymew zuamgellekey igkayal kuyfike fünh ka ketxan, mapunche wimtun txafkintun reke femgey elüñmagelu ñi mülekakeal, ñi yallkeal ka rulpakeal pu weke che mew.

Txürlay ñi nhewentu gillatugen tukukafe ka fütxake ülhmenke che zewmakelu weke fünh.

Pu tukukafe nhewentu gillatugeaygün ñi wirintukuwal tukukafe ka fünh, ka müley ñi malhütugeal tañi fenzekayal ka txafkintukeal. Mülelayay az zugu tañi azkünuwal ñi tunte püntüleal kenetikuke ketxawe ka kuyfike ketxawe ka ruka kormenia, chew ñi püzümkageafel polen, uwalwe well rapüselwe reke.

Ti zeküretu 1.764 nielkey nhewen tañi iñamtuafiel ka kastikayafiel tañi fünhün ka funh ñi miawülgen, pu SAG che pepi müñtúafuygün fünh ka pepi müleafuy fütxake multa.

Kom pu konkülewma che, tufachi zugu pegeli müley ñi iñamtuafiel chumgechi küzawkey fñh ñi günege, müley ñi igkayal tukukan küzaw, kuyfike mapun küzaw ka kakewme tukukawe ka ketxawe mülelu tufachi mapu mew.

Tukuzuam: kiñe mapu chew ñi mülenoal wezake kimiku wezalkakenolu mapu ka chew ñi mülenoal weke kagechi fñh. Mallolhafken, Pukon ka Kurarewe mapu witxapüramtuay kiñe wülzugu nütxamyelu tufachi zugu tañi igkayal tayiñ kuyfike mapun küzaw, kormenia küzaw, kuyfike fñh ka ketxan, tayiñ mapun iyael ka itxofill mogen.

Tufachi mapu ka ñi kakewme txokiñ che falintukefi mapu ñi kimgen chew ñi mülen pu che, fñh küf ka ketxan küf, ketxawe ka tukukawe, pu kulliñ, pu isike ka fillke mogen inaltulelu Rukapillañ mew.

Kuyfike fñh ka ketxan ñi igkagen zuamkey ñi igkageal itxofill mogen ka az mogen feymew elñmageay ñi yallken ka mogelerpun.

Pu txokiñke che konkülelu tufachi txawün mew feypigün: tufachi txokiñke mapu konküley Reserva de la Biósfera Araucarias ka SIPAM Cordillera Pehuenche feymew müley tayiñ igkageal tayiñ kakewme mapun küzaw, pu püchike isike püzümkakelu polen, kakewme mogewe ka mapunke iyael.

Mütxümüwün: Txawülechi txokiñke che mütxümküleygün pu lof che, kake txokiñ che, ka pu che inaltulelu Rukapillañ mew tañi kimurpual ka konküleal küpayachi zugu mew tañi igkayal kuyfike fñh ka kakewme zugu kellukelu ñi igkakeal, yallkeal ka txafkintukeal.

Mütxümwe: +56961942623. Kiñe nota pu entuchillkafe ñi kimam: Tufachi mapu konküley Reserva de la Biósfera Araucarias pigechi mapu (UNESCO 1980) ka Sistema Importante del patrimonio Agrícola Nacional (SIPAN) Cordillera Pehuenche, fanentugelu Ministerio de Agricultura ka tati FAO tañi kelluntukurpayal feychi mapun küzaw igkayelu itxofill mogen ka kuyfike mapun küzaw mew.